

XITATIMENDE XA VUHANGALASAMAHUNGU XA SARS MAYELANA NA MHKAKA YA CRRC

21 Mawuwani 2022 – Vukorhokeri bya Xibalo bya Afrika-Dzonga (SARS) byi amukela vuahluri bya Khotokulu ya North Gauteng byo ala xikombelo xa Railway Rolling Stock Corporation (CRRC) xa leswaku SARS yi vuyisa mali leyi tekiweke eka tiakhawunti ta yona ta bangi hi ku ya hi mitholo ya vandla ra vunharhu ehansi ka xiyenge xa 179(6) xa Nawu wa Vulawuri bya Xibalo Nomboro 28 wa 2011 tanihi xiphemu xa matshalatshala ma SARS mo hlengeleta swibalo leswi kayiveleke.

Xiyenge xa 179 xa Nawu wa Vulawuri bya Xibalo xi nyika matimba eka SARS ku hlengeleta xikweleti xa xibalo xa muhakelaxibalo lexi kayiveleke ku suka eka vandla ra vunharhu leri khomaka kumbe leri kolotaka kumbe leri nga ta khoma kumbe ku kolota mali eka muhakelaxibalo. Xiyenga xa 179(6) xi nyika matimba eka SARS ku endla tano handle ko humesa papila ra xikoxo eka xikweleti xa xibalo eka muhakelaxibalo loko ku ve ku humesa xikoxo swi nga kanganyisa nhlengeleto wa xikweleti.

Vuahluri lebyi bya kahle byi sirhelela vulawuri bya xinawu bya SARS ku tirhisa xiyenge xa 179(6) ku hlengeleta swibalo leswi kayiveleke no yimela ku humelela ka nkoka eka SARS eka matshalatshala ma yona lama ya ka emahlweni na nhlengeleto wa xibalo na vuzandzelelanawu, ngopfungopfu ku tekela enhlokweni swiyimo swa sweswi swa ikhonomi ya tiko leyi tikeriwaka.

Matikhomelo ma vahakelaxibalo lava nga landzelerisiki ma sikisa switirhisiwa leswi nga enawini swa Mfumo ku ya eka ku vavisa Mfumo na vanhu va Afrika-Dzonga lava tiseketelaka hi vukorhokeri bya masungulo ku suka eka mfumo. SARS yi ta ya emahlweni yi fambisa xileriso xa yona xo hlengeleta mali hinkwayo ya tiko leyi kolotiwaka handle ka ku chava, tintswalo kumbe ringhohe.

Khomixinara wa SARS Ttn Edward Kieswetter u khensile SARS ku va yi tirhile hi xihatla ku vuyisela swibalo leswi kolotiwaka nkwama. U vurile leswaku "nhlwelo wun'wana na wun'wana eku tirheni hi rivilo rero a wu ta va wu vonile timali ti vuyiseriwa ku suka entsungeni wa malwandle, na matshalatshala ma tsongo mo vuyisela xikweleti lexi kolotiwaka SARS. Ku engetelela, leswi swi mbhonyela leswaku SARS yi le ka ndlela yo lulama ku ndlandlamuxa nkoto na vuswikoti bya yona ku lwa na mukhuva wa nkavulandzelelanawu na heleketo wa xitwi xa nsuso wa nxupulo eka xiphemu xa vahakelaxibalo vo karhi. Lowu i humelelo lowukulu eka nhlangano na vaakitiko va tiko."

Khomixinara u heterile hi leswaku "SARS yi tinyiketerile ku tirha na tiejensi ta nsindziso wo landzelerisa nawu ku landzelerisa eka swiringanyeto swa Khomixini ya Zondo eka tindhawu leti welaka eka rimba ra swa nawu leri fumaka vulawuri bya xibalo etikweni. Nkumisiso lowu wo tirhisana na tiejensi hinkwato leti faneleke wu kombisa vutinyiketeri bya SARS byo ka byi nga siyi na tshalatshala na rin'we ro khoma lava nga na

vutihlamuleri eka ku Lawuriwa ka Mfumo hi Swiyenge swa le Tihelo laha vugevenga bya xibalo byi endliweke".

Ku kuma vuxokoxoko byo tala, u komberiwa ku tihlanganisa na SARSMEDIA@sars.gov.za